

آبونه شراي : هوير ايجون
 سنه لى (٤٠٠) التى ايلنى
 (٢٢٥) ، ممالك اجنيه ايجون
 سنه لى (٤٥٠) ، آلتى ايلنى
 (٢٥٠) غروشدر .

نسخه سى ٧,٥ غروشدر .
 سنه لى ٥٢ عدددر .

اداره خانه : باب طالى جاده سنده
 رشيد افندى خانه

اخطارات
 آبونه بدلى پشيندر .

مسلكه موافق آثار مع المنونيه
 قبول اولنور . درج ايدله ن
 يازير احاده اولماز .

والله يهدى من يشاء الى صراط مستقيم

باش محرر
 محمد ماكف

صاحب و مدير
 اشرف اديب

اتبعون اهدكم سبيل الرشاد

البريد

آدره سى آيديلنده آيريجيه
 غروش كوندرمليدر .

مكتوبلرك امضارى واضح
 و اوقوناقلى اولسى و آبونه
 سره نومروسنى محتوى
 بولونمى لازمدر

ممالك اجنيه ايجون آبونه
 اولانرك آدرسلرينك
 فرانسزجه يازلسى رجا اولنور .

باره كوندرلدكي زمان نهيه
 دائر اولدينى بيلديرلى
 رجا اولنور

« ۴۷ - ماده : بکری یدنجی ماده موجینجه ، حاکک ویا نائیک ویا وظیفه دار مأمورک حضورنده اولمایارق عقد ایدیلن نکاح باطلدر . »

بوماده احکام شرعیه مزله قابل تألیف دکلدر . اسباب موجب لایحه سند حاکک ویا نائیک ویا دولتجه بوقیل عقدلرک تسجیلنه وظیفه دار ایدیلن مأمورک حضوری نکاحک شرائط انعقادندن عد ایدیلورده بولردن برینک حضورنده اولمایارق عقد ایدیلن نکاحلرک بطلاننه حکم اولونیور . حال بوکه احکام شرعیه مزله نظراً نکاحک شرائط انعقادی قاعدینک اهلیتندن ، شهودک حضورندن ، زوجینک شرعاً معین اولان موانعدن خالی اولالردن ، ایجاب و قبول ایله مجلس نکاحک اتحادندن عبارتدر ، یوقسه حاکک ویا سائر بر مأمورک حضوری نکاحک شرائط انعقادندن دکلدر .

لایحه ده اموال غیر منقولیه عائد آلم صاتیملر نظره آلیور ، مأمور مخصوص حضورنده اجرا ایدیلن عقد بیعک نظر قانونده بر حکم و قیحق اولمادیفی بیان اولنیور ، منفعت عامه ملاحظه سی ماله تعلق ایدن بو عقدلرده بویله صتیق بر قاعده ومؤیده وضعه سائق اولدینی درمیان ایدیلورده عین ملاحظه بناء حاکک ویا نائیک ، یا خود بر مأمور مخصوصک حضورنده اولمایارق عقد ایدیلن نکاحلرکده کأن لم یکن عد ایدیلنه سی لزومی اولویله استتاج ایدیلور . فقط بر آرز دهات عمیق نظر ایدیلیرسه کوریلیرکه عقد نکاح ایله اموال غیر منقوله نك آلم صاتی آره سند بر مناسبت آدامق ، بر مقایسه یا بق اصلا طوغری اولماز .

اولا : اموال غیر منقولیه عائد عقد بیعک مأمور مخصوص حضورنده لزوم اجرایی بو امواله متعلق قیوداتی تنظیم ، فراغ خرجک استیفایی تأمین ، تحقق ایتیش وایدءجک ویرکولرک ، کیملردن استیفا ایدیلرکجکی تعیین وثیت کبی بعض اداری مصالحه مستنددر . یوقسه خارجه وقوع بولاجق بویله بر عقد بیعک صحت شرعیه سی قابل انکار دکلدر .

ثانیاً : اموال غیر منقوله دن برچو غنک رقبه سی حکومت ویا اوقافه عائد بولوندیغندن بولرک حین فراغنده بر مأمور مخصوصک حضوری اساسات حقوقیه مزدن متولد بر ضرورته مبتنیدر ، صوکره بوضرورت ؛ مجرد اطرا دی ، انتظام معاملاتی تأمین ایچون سائر اموال غیر منقولیه ده اداره تشمیل ایدلشددر . حال بوکه نکاحده بر بیع و شرا مسئله سی موضوع بحث اولمایه جنی کبی بویله بر ضرورت اساسیه ده موجود دکلدر .

ثالثاً : اموال غیر منقولیه عائد اولوب مأمور مخصوص حضورنده اجرا ایدیلرک مش اولان بر عقدک ، کأن لم یکن عد ایدیلنه سی یوزندن نهایت قاعدیندن بری ویا هرا یکسی بر درجه قیدر ماده متضرر

جناب حقک بوحادثای یچین یادایتدیکنی عجباً هیچ دوشوندیکر می ؟ حق تعالی نك بزه اسکی زمانلره عائد قصصله بزی اکلندیرمک می ایسته دیکنی ظن ایدیبورسکیز ؟ . خایر ، حضرت موسانک اتباعی ایله حضرت محمدک اتباعی طرفندن اختیار اولونان خط حرکتلری بزه کوسترلرکله نظر دقتیزی پک حیاتی درسله جلب اولونمقده در . بولرک ایکسیسه ده جنساب حق طرفندن کوندریلن برر پیغمبر ایدی . هر ایکسیسنده دشمنلری اوزرنده احراز موفقیت وعد اولونمشدی . هر ایکسیسه فعال آدملردی . فقط بریسی وعد الهی نك تحقق کورمش ، دیکری ده بو تحققک تأخیرنه شاهد اولمشدی . سبب نه ایدی ؟ . هیچ شبهه سز برینک موفقیتندن اتباعی مسئول اولدینی کبی ، دیکرینکده عدم موفقیتندن ینه اتباعی مسئولدی . حضرت محمدک اتباعی فعال ، فقط حضرت موسانک اتباعی عاقل ایدیلر ، بویوزدن مختلف نتیجه لر حاصل اولمشدی . هیچ اونو تمامی بزه عطالت جانسزلرک بر اسم دیکریدر . بوتون خیر و برکت حرکتده در . بنم قناعتمه کوره یا جوج و ما جوج حرب عمومیدن مقدم معروف ایکی شکل مطلقیتدر . یا جوج و ما جوج و دجال دنیوی حکومتلرک بعض صفتلریدر که بولری حکومت موجوده نك هر برنده آرزوق مشاهده ایدرز . ده آچیق سویلیلم ، دجالق دیپلوماسینک نام دیکریدر . فقط دجالله اقوامی اداره ایتک زمانی کچمشدر . مستقبل حکومتلر هر حالده اساسات اسلامییه ابتنا ایدمچکدر .

بوکون بیله غرب عالمی غیر شعوری اولارق اخلاقی ، اجتماعی ، اداری نظاماتی تعالیم اسلامییه توفیق ایتمکده در . ماده پرستلک حرب عمومی ایله مهلاک بر ضربه ده دوچار اولمش ، و غرب عالمی احتراصاتک عاقبتی آکلامغه باشلامشدر . بوندن طولانی روحیه مذهبی غربیلرک دماغی صارمقده در . فقط اصل بوفرستدن مسلمانلر استفاده ایتملیدر . چونکه قلیجک دور حاکمیتی کچمشدر . ماده پرستلک ، چارلق ، مطلقیت محکوم اولدقلری عاقبت ده دوچار اولدیلر . یا جوج و ما جوج بر برینی یقیدیلر . بوفرستدن استفاده ایدرک انوار اسلامییه ایله جهانی تنوره چالیشالم

انکلیزجه دن مترجمی : عمر رضا خواجه کمال الدین

یکی حقوق عائله

لایحه سی مقننه مطالعه

۶

« ۴۶ - ماده : شاهد بولوندورولق سزین عقد اولنان نکاح فاسدر . » بوماده ، احکام شرعیه مزله موافقدر . شو قدر وار که فاسد اولدینی قبول ایدیلن اشبوشاهد سز نکاح حقنده آتیا کوره جکمز (۵۷ نجی) ماده موجینجه اتحاد ایدیلن حکم ، اساسات فقهیه مزله مخالف بولونمشدر .

بیلیمزکه بویله کیفی اجتهادات ایله ، تشبهات ایله بر عقدك ماهیت شرعیه سنی تبدیله ناصیل جسارت اولنه یلیر ؟

« ۸۸ — ماده : طرفیندن برینك ویا اصول و فروغك حیات و ناموسنه قارشی ایقاعی محقق و نفسیجه غیر قابل توق و تلافی تهدید تأثیریه عقدایدیلن نکاح فاسددر . »

بو ماده شایان تدقیق بر مسئله بی احتوا ایدیور . معلوم اولدینی اوزره اکراه ایله وقوع بولان بر عقد نکاح صحیح اولوب اولماسی خصوصنده بین المجتهدین اختلاف وارددر . بونکاح ، ائمه حنفیه حضراتنه کوره صحیحدر ، امام شافعی حضرتلرینه کوره دکلددر .

مجله ده بیان اولوندینی وجهله لاکراه : بر کیمسه بی اخافه ایله رضاسی اولمقسزین بر ایشی ایشله مک اوزره بغیرحق اجبار ، ایتمکدن عبارت اولوب ملجی و غیر ملجی نامیله ایکی قسمه آیریلیر .

ائمه حنفیه حضراتنه کوره اکراه ملجی ؛ مکرهک اختیارینی بالکلیه ابطال وازاله ایتیز ، بلکه مکرهک رضاسی اعدام ، اختیارینی افساد ایدر ، مکره ، قصد و اراده سنده مستقل قالماز ، مکره علیهی بالااضطرار یا پمش اولور . اکراه غیر ملجی ایسه مکرهک اختیارینی نه ابطال ، نه ده افساد ایدر ، مکره قصد و اراده سنده مستقل بولونور ، مکره علیهی ایقاع ایچون قطعی بر اضطرار تحتنده بولونمش اولماز . بناء علیه هر ایکی صورتده مکرهکدن صادر اولان تصرفات ، معتبردر . شوقدر وارکه بو تصرفاتک بر قسمی قابل فسخ اولدینی حالد دیکر بر قسمی قابلیت فسخیه بی حائز دکلددر . ایشته نکاحده بو ایکنجی قسمنددر . حاصلی اکراه ایله مدار اهلیت اولان ذمت ، عقل و بلوغ ، زائل اولیور . اکراه ؛ اصل اختیاری ازاله ایتیمور ، مکره یا بدینی شیئی ینه کندی اراده سیله یاییور ، مکره علیهی یا بقوله اهون شرینی اختیار ایتیش اولیور .

لکن امام شافعی حضرتلرینه کوره نکاح و طلاق کی تصرفاتک معتبر اولماسی اختیاره مبتدیر ، اختیار ایسه اکراه ایله اجتماع ایدر . اکراه ، شرع انور نظرند بر عذر تشکیل ایتدیکی جهته مکرهکدن صادر اولان قولک حکمی ابطال ایدر ، بر قولک صحفی ایسه قصد و اختیارک وجودینه منوطدر .

مکره ، بر ایش یاییور ، بر ایجاب ویا قبولده بولنیور ، عجبامکره بونکله مافی الضمیرینی ، مقصود قلبیسنی بیان ایتیش اولیورمی ؟ عجبایجاب و قبول ، بوکا دلالت ایتیمزی ؟ . خاییر .. اکراه بو دلالت منافیدر ؛ اکراه ، دلالت ایدیورکه مکره اوسوزی (ایجاب ویا قبولی) مجرد دفع شر مقصدیه سوبله مشدر ، حال بوکه برسوزک صحفی قائلک مافی الضمیرینه ترجان اولسی اعتباریلهدر .

شونی ده علاوه ایدرکه احکام فقهیه منزه نظراً اکراهک تحققی ،

اولابیلیر ، فقط بویوزدن دینی ، اجتماعی ، اخلاقی بویوک بر محذور تولد ایتیز . عقد نکاح ایسه بویله مید ؟ . فرض ایدیکزکه بر نکاح ؛ رسمی بر مأمور حضورنده اولمقسزین عقد ایدیلش (بویله بر نکاحک عدم وقرعنی تأمین امکان یوقدریا) ، بوسایه ده برعائله تأسیس ایتیش ، بر قاج جوجق دنیا به کیش ، آره دن نیجه سنه لر کلوب کچمش . شیمدی هر هانکی بر علاقه دار طرفدن — مجرد بر مأمور رسمی حضورنده عقد ایدیلدیکی بهانه سیله — بونکاحک بطلانی ادعا اولونیور ، بوماده به استناداً بویله بر حکم استحصال ایدیلهرک ، سالخوردده برعائله نک محو و پریشان اولماسنه سببیت ویریلیور . آرتق بونک تولید ایدر جکی محاذیر مهمه بی ملاحظه بویوریکز ۱ .

شبه یوق که احکام دینی سنه ، مقدساتنه مربوط اولان ملت اسلامیة بونکاحک صحت شرعیه سنه قانعدر ، بویله اولدینی خالده مجرد فلان ذاتک حضورنده عقد ایدیلدیکی ایچون بونکاحک بطلاننه حکم ویریله سنی ، زوجینک آره لری تفریق ایدیلهرک زوجیه نک باشقه برار ککله ازدواجنه مساعده ایدیله بیلیمه سنی عجب افکار اسلامیة ناصل بر حسن ایله تلقی ایدر ؟

أوت .. عقد ایدیلن نکاحلر تسجیله تابع طوتیله بیلد ، بونک منفعتی قابل انکار دکلددر . نکاحلرک بر مأمور رسمی حضورنده عقد ایدیله سنده بر منفعت اجتماعی بولونا بیلیر ، بناء علیه بو جهتی تأمین ایچون اداری بر ماهیتده ، بر ماده قانونیه تنظیمنه و بر مؤیده جزائییه وضعنه بلکه لزوم وارددر . فقط وضع ایدیلهرک مؤیده هیچ بروقت بر عقد مشروعک بطلانی انتاج ایدر جک درجه ده آغیر اولماز . الحاصل لایحه ده بعض نکاحلرک باطل ، بعضیلرینک فاسد عد ایدیله سی بر اساس شرعی به ابتنا ایتیمکده در .

احکام فقهیه منزه نظراً نکاح خصوصنده باطل ایله فاسد بیننده اساساً او قدر مهم بر فرق یوقدر . نکاح شرع شریف نظرند مستثنای بر ماهیتی حائزدر . نکاح من جهة عبادتدن معدوددر ، چونکه نکاح ، سنن نبویه دندر ، نافله عبادتدن افضلدر ، تهذیب اخلاقه ، تزکیة ذاته خادمدر ، عالم بشریتک بر انتظام و تراحت دائره سنده وقت مقدره قدر دوامنه وسیله در .

اصلاً ووصفاً غیر مشروع اولان عقدلرک باطل ، یالکیزوصفاً غیر مشروع اولان عقدلرک فاسد اولماسی قاعدسی بیع و شراکی معاملاتده جاریدر ، نکاحده جاری دکلددر . مع هذا مادام که اسباب موجب لایحه سنده بر اساس شرعی به مستند اولان بو تقسیم نظره آلیور ، آرتق بو اساسه صادق قالمق ایجاب ایدردی . حال بوکه اویله اولامش ، کیف مایشاء حرکت ایدیلهرک ایسته نیلن نکاحلر باطل ، ایسته نیلن نکاحلر فاسد عد ایدلش و بو نکاحلر بر طاقم عندی احکامه تابع طوتولمشدر .

اوت .. آوروپا قانونلرندن بعضیلرند، بویله برادعا به مساع و ارایمش.

« ۴۹ - ماده : برمسلمه نك غيرمسلمه ازدواجی باطلدر . »

بو ماده ، احكام منیفة شرعیة من، موافقدر . بویله بر ازدواجك بطلانی آیات قرآنیة ایله ، احادیث نبویه ایله ، اجماع امت ایله ثابتدر . نته کیم قرآن حکمت بیانده : (ولاتنكحوا المشركين حتى يؤمنوا) ، (لاهن حل لهم ولاهم يحلون لهن) بویورلدینی کی (جابر بن عبدالله) حضرت تلمیسنك روایت ایتدیکی بر حدیث نبویه ده : (نكزوج نساء اهل الكتاب ولايتزوجون نساءنا) بویورولمشدر .

حاصلی برمسلمه نك بر غیر مسلم ایله ازدواجی ، دینی ، اخلاقی ، اجتماعی ، حق سیاسی برچوق نقاط نظرندن موافق حکمت و مصلحت اولمادینی ایچوندركه بو ازدواج ، شریعت عالیة اسلامیه ده قطعاً منع و تحریم بویورولمشدر .

« ۵۰ - ماده : نکاحك بطلان وفسادی حقنده ادعای مجرد، کافی دکلدركه بو بایده حضور حاکمه دعوا اقامه سیله حکم استحصالی لازمدر . »

بو ماده ، محتاج ایضاحدر . احكام شرعیة من، نظراً زوجیندن هر ایکیدی برلکده نکاحك بطلان ویا فسادینی ادعا ایدر ، مثلاً آره لرند، حرمت رضاع بولوندیغنی اعتراف ایلر ایسه لر قولاً متارکه یاپمالری ، یکدیگرندن افتراق ایله لرلی ایجاب ایدر ، آرتق ادامه زوجیتده بولونمالری جائز اولاماز . شو قدر وارکه نکاح واقعك بطلان ویا فسادینه سببیت ویرن کیفیت ، قابل زوال ایسه بونك زوالی متعاقب یکی بر عقد ایله اعاده زوجیتده بولونا بیلیرلر .

فقط زوجیندن بری نکاحك بطلان ویا فسادینی ادعا ، دیگری انکار ایتدیکی تقدیرده نظر اولونور . اگر مدعی ، زوج ایسه ینه بالذات افتراق ایتمه لرلی ایجاب ایدر . حکم حاکمه احتیاج کورولمز . شو قدر وارکه زوج بو ادعاسنی حضور حاکمه اثبات ایتدکجه زوجیه نك رابطه زوجیتدن منبعث بر قسم حقوقی ، مثلاً : نفقه عسدتیه مهر مساسنی اسقاط ایتمش اولاماز . اگر مدعی ، زوج ایسه ادعاسنی حضور حاکمه اثباته محتاجدر ، زیرا زوجیه ، امر طلاقه مالک اولمادیغندن آلك ادعاسنی بالینه ثابت اولمادکجه رابطه زوجیتی قطع ایدر من .

زوجینك انکارینه رغماً سائر اشخاص طرفندن وقوع بولاجق بطلان وفساد ادعاسنی حقنده ده حکم بویله در ، بو اشخاصك ادعای مجردی زوجینك بیننی تفریق ایچون کافی دکلدركه .

کورولیورکه - خارجده وقوع بولاجق طلاق وافتراق حادثه لرینی قبول ایتمه نك مقصدینه مستند اولان - اشبو النجی ماده ، اطلاقه نظراً احكام شرعیة من، موافق ایتیور . بونك انتاج ایدمچکی محذور شرعی ایسه نك مهمدر . بونی بر مثال ایله ایضاح ایدم ، فرض

معتبر اولماسی ایچون درت شرط وارددر . اولاً - : مجبر ، تهدیدینی ایقاعه مقتدر اولمالیدر . ثانیاً - : مکره ، مکر بهك وقوعندن قورقالیدر ، یعنی مکره علیهی یا مادیغنی تقدیرده مجبرك تهدیدینی ایقاع ایدمچکنه قناعت کامله سی ویا ظن غالبی بولونمالیدر . ثالثاً - : مکره ، مکره علیهی مجبرك ، یاخود آدمك حضورنده ایشله مش اولمالیدر . رابعاً - : اکراه دفع و مقاومت ایدیه میه جك درجده شدید اولمالیدر . ایشته مسئولیت حقوقیه و جزائییه یی تعدیل ویا ازاله ایدم بیلن اکراه ، بو ماهیتده اولان اجباردر .

شیمدی ماده یی نظره آلام ، هجبا ماده ده تصویر ایدیلن اکراه بو ماهیتده میدر ؟ شبهه یوق که دکلدركه . بناءً علیه بو ماده نك مذهب شافعی به توافقی ادعا ایدیه من . بو ماده ده تصویر ایدیلن اکراه ، آوروپا حقوقیوننك « جبر معنوی » دیدکلری اکراه قیلندندر .

غرب ارباب حقوقی جبر واکراهی ایکی قسمه آیریورلر : جبر مادی ، جبر معنوی .

جبر مادی - : « دفع و مقاومتی غیرقابل مادی بر قوتك تأثیر و تضییقه حصوله کن جبردر . » که بوخالده مکره عادتاً مجبرك بر آلت متحرکه سی مثابه سنده بولونمش اولور .

جبر معنوی - : « تهدید و اخافه ایله بر شخصك اختیار و صلاحیت حرکاتی منع وازاله ایدن جبردر . » که مکره ك قوای عقلیه و سائره سی اوزرنده معنوی بر تأثیر حصوله کتیرر .

آلمانیا جزا قانوننك (۵۲) نجی ماده سنده بو ایکی قسم جبر ، نظره آله رق : « بر فاعل فاعلی مقاومت ممکن اولماین بر قوتك ویاخود کندیسنك ویا منسوبیننك شخصنی ویا حیاتی تهلیکه حاضریه سوق ایدن بر تهدیدك تأثیریه مکره بولوندیغنی تقدیرده ایقاع ایلدیکی فعل ، مستحق جزا اولماز . » دینلمشدر .

والحاصل اکراه معتبر ایله عقد ایدیلش اولان بر نکاحك فسادینی قبول ایتك بر نقطه نظرندن صواب کورولمه مکله برابر دیگر بر نقطه نظرندن صواب کورولمه بیلیر . باخصوص زمانمزده امثالنه کثرتله تصادف اولونان بر طاقم اخلاق فضیحه اربابنك بویله برا کراهه جرأیاب اولماسا لرینی تأمین مقصدیه فساد جهته یی ترجیح ایدنلر بولونا بیلیر . فقط بولایمده قبول ایدیلن شرائط و مراسم داخلنده عقد ایدیه جك بر نکاحك بالاخره « شویله بویله بر تهدید تأثیریه عقد ایدیلش ایدی » دییه فسادینی ادعا به جواز ویرمك بر آرز غریب کورنیورمی ؟

کیفیت کونلرجه اعلان اولونیور ، حاکمك مساعدته سی استحصال ایدیلور ، عقد بر مأمور رسمی حضورنده یاپیلور . صوکرده بری قیام ایدرک نکاحك شویله بر جبر و تهدید ایله عقد ایدیلش اولدیغنی بالادما زوجینك بیننی تفریق چالیشیور . آرتق یاپیلمش اولان بوقدر اشکال و مراسم قانونیه نك نه قیمتی قالیر ؟

میسوز فعالیتی

۲

پارس مبعوثی آقاده می اعضا شدن و مشاهیر محرریندن - که یاقینده وفات ایتشد - موریس بارسک خارجیہ انجمنی نامنه تنظیم و پارلمنتویہ تقدیم ایلدیکی راپورلردن ایکنجیسی Société des missionnaires d'Afrique ou pèra blancs آفریقا میسیونر جمعیتنه نام دیگر یله آق بابالره تانددر . حکومت کرچه ۲ کانون اول ۱۹۰۲ تاریخنده بر قانون لایحه سیله بونلرک موجودیت قانونیه لرینک طائمسفی پارلمنتودن طلب ایتمش ایسهده موقع مذاکره یه بیله قونامشدر . شمدی تکرار بر قانون لایحه سیله حکومت عین طایب تکرار ایتمکده و خارجیہ انجمنی بونلرک خدماتی تعداد ایله ترویجی جهتی التزام ایلکدهدر .

بو جمعیت ۱۸۶۸ سنه سننده کی قحط و غلا طولایسیله یتیم قالان صرب جوجقلرینی طویلامق ایچون تشکل ایتشددر . بونلر حالا شورالده اجرای فعالیت ایتکدهدر :

۱ - شمالی آفریقاده : تونس ، جزائر ، صحرای کبیر .

۲ - سودان فرانسویده

۳ - آفریقای استوائیده . Afrique équatoriale

۴ - قدس شریفده Saint - anne ده .

شمالی آفریقاده : ۱ کانون ثانی ۱۹۲۱ تاریخنده بونلرک (۱۸)

استاسیونی ، (۵۸) آق باباسی ، (۱۱) بونلره ملحق فرهدلری ، (۱۰۲) همشیره لری ، (۱۳) عقائد معلماری وار ایدی . بو منطقهده یکریمی مکتبلری اولوب ۷۱۲ ارکک ، ۳۶۱ قیز تحصیل ایتمکدهدر . بوراده ۱۳۰۰ ثنویت ، یعنی قنولیکلی قبوله تمایل ایتمش اشخاص وایکیوز قاته شومن ، یعنی دینی تدریساتی منتظماً و متادیا تعقیب ایدن کیمسه وارددر . ۱۹۲۰-۱۹۲۱ ظرفنده ۱۷۲۴۳۶ خسته جمعیتک دیسپانسرلرنده

تحت تداییه آلتشددر . بو منطقهده کی مسلمان وخرستیان اهالینک آق بابالره فوق العاده اعتمادی اولوب حربیه کیدرایکن کندی ایشلرینه و عائله لرینه باقنی وکندیله رینه عائد خودی آلوب ویرمکی بونلره تودیع ایتمشلرایدی . بونلر دینی و سیاسی مناقشاندن محترز اولوب خلقه دائمی بر فکر شفقت اظهار ایدر و بو صورتله کندیله رینه جلب و تقریب ایدرلر .

سودان فرانسویده : ۱۹۲۲ سنه سننده ۱۲ استاسیون ، ۵۷ آق بابا ،

۴ ملحق فرهدر ، ۲۲ همشیره ، ۶۰ عقائد معلماری وار ایدی . ثنویت ، یعنی قنولیکلی قبوله تمایل ایتمش اشخاص مقداری ۴۵۴۳ ، دینی تدریساتی منتظماً و متادیا تعقیب ایدنلرک مقداری ۵۴۲۷ در .

۱۹۲۰ - ۱۹۲۱ ظرفنده دیسپانسرلرده ۹۵۴۶۳ خسته تحت تداییه آلتشددر . موجود مکتب مقداری آز اولوب ۱۹۲۲ سنه سننده

ایدیکنرکه زوجیندن هریکیسی ده ینلرنده حرمت رضاع ویا مصاهرت بولوندیغنی ادعا ایدیورلر ، مانع ازدواج اولان بویله برسبیک وقوعنه بعدالنکاح مطلع اولمش اولدقلری ایچون آرتق غیر مشروع اولان برزوجیتک ادامه سندن حاصل اولاجق برمعصیت عظیمه دن کندیله رینی تخلیصه دینا ، وجداناً مجبوریت کوریورلر . فقط بوسببی اثبات ایچون اللرنده ینهلری یوق ، شیمدی بونلرک وضعیتلری نه اولاجق ؟ بوماده یه نظراً بونلرک یکدیگرکندن افتراق ایده بیلمه لری ایچون قول مجردلری کافی دکل ، هر حالده نکاحک سبب بطلاتی اثباته لزوم وار .

دیگک که بودیانتهرور آدملر ، عقد ایتمش اولدقلری نکاحک بطلاننه قانع اولدقلری حالده ادامه زوجیته مجبور اولاجقلر ، اوله می ؟

خایرخایر .. تربیه دینه یه مالک ، احکام شرعییه واقف بولونان مسلمانلر بویله برزوجیتک دوامنه قابل دکل ، راضی اولامازلر ، بویله بر ماده نک موجودیتنه رغماً تجدید نکاح قابل اولمایان خصوصانده - افتراق جهتی پک کوزل تأمین ایده بیلیلر . شو قدر وار که ایشک جهت شرعیسنه پک او قدر مطلع بولونمایان بر قسم مسلمانلر ماده نک مساعدسنه بناء حال زوجیتی ادامه ایده بیله جکله در . بونک مسئولیت معنویسنه ایسه شبهه یوق که الک زیاده ، بوکاسبیت ویرنلره متوجه اولاجق .

« ۵۱ - ماده : اشبو قانونک اوتوز سکرنجی و فرق ایکنجی و فرق اوچنجی و فرق دردنجی و فرق بشنجی و فرق یدنجی و فرق دوقوزنجی ماده لری موجبنجه ، باطل اعتبار اولونان عقدلرده بطلان دعواسی ، قاعدلر و علاقه دارل طرفندن اقامه اولونور . »

« ۵۲ - ماده : اشبو قانونک اوتوز دوقوزنجی و فرق برنجی و فرق آلتنجی ماده لری موجبنجه فاسد اعتبار اولونان عقدلرده فساد دعواسی ، قاعدلر و علاقه دارل طرفندن اقامه اولونور . »

« ۵۳ - ماده اشبو قانونک اوتوز سکز و اوتوز طقوزنجی و فرقنجی و فرق برنجی و فرق ایکنجی و فرق اوچنجی و فرق دردنجی و فرق بشنجی و فرق آلتنجی و فرق یدنجی و فرق طقوزنجی ماده لرنده باطل ویا فاسد اعتبار اولونان عقدلرده بطلان ویا فساد دعوالری ، مدعی عمومیلر طرفندن دخی رأساً اقامه و تعقیب اولونه بیلیلر . »

بو اوچ ماده ایله احکام شرعیسنه من آره سننده اوزون اوزادی یه بر مقایسه یایما یه حاجت کور میورز . آنجق شونی عرض ایدلم که بوماده لرده بیسان اولونان عقدلردن بر قسمی احکام شرعیسنه نظراً صحیح اولدیغندن بونلرک حقنده بطلان و فساد ادعاسنه شرعاً مساع یوقدر . نته کیم بو خصوصده لازم کلن مطالعات اولجه در میان ایدلمشدر ، دیگر بر قسمی ایسه احکام شرعیسنه نظراً غیر صحیح اولدیغندن بونلرک حقنده زوجین ایله علاقه داران و مدعی عمومیلر طرفندن دعوی اقامه ایدیله بیله جکی کبی بونلرک بر قسمنده شهادت حسبده جاریدر . بناء علیه نکاحک بطلان ویا فسادندن خبردار اولان هر مسلم ازاله معصیت مقصد دیندارانه سنه بناء کیفیتی محکمه عانده سنه اختیاره ورأساً ادای شهادته شرعاً صلاحیتداردر . رضاع مسئله سی بوجه دندر .